

新鄭縣志

重修新鄭縣志序



歲在柔兆涒灘之陽月予輯新鄭邑志成
有譏其太繁者余曰夫志之作何昉乎古
者邦國之志小史掌之四方之志外史掌
之志猶史也紀天下之事以存乎史紀一
邑之事者存乎志志固博通乎史而詳史
之所略者也蓋先王疆理天下物土之宜

卷首

序

而布其利達其志而通其欲其事至纖至
悉無不各有所掌風俗之美惡則大師大
行人志之戶口之登耗則閭師閭胥志之
民之有德行道藝者族師黨正之屬志之
皆各爲一書月要歲會以統於小史外史
而貯之柱下則謂之寶書西漢計書先上
太史合其副白丞相漢郡國志上蘭

三學士大夫所纂若關中之記華陽之志
襄陽之傳三輔九域十道之圖以及一方
一邑之事列于藝文經籍之目者咸班班
可考焉然則志之作可略乎哉且鄭之爲
邑舊矣都于有熊國于郟于鄭于韓而縣
于漢新鄭云者以別于京兆之鄭言也按
元和郡國志漢之南鄭在漢中府京兆則

桓友封邑之鄭曰西鄭亦曰南鄭屬華州
因鄭有圃田曰圃鄭因遷曰新鄭卽今邑
是也而墨莊漫錄復疑漢中南鄭京兆有
西鄭亦曰南鄭又疑新鄭之名因穆天子
傳書天子入于南鄭傳瓚謂穆王所都祭
父自圃鄭來謁瓚亦指謂鄭父之邱而不
能定桐城方氏考括地志云在華州鄭縣

西北三里其曰西鄭者以圃鄭爲東也曰南鄭者華州在鎬京之南也瓚謂鄭桓公無封京兆之文師古又曰穆王以下無西鄭事瓚說非也此皆混于其名耳穆王出遊入必返西鄭鄭近都蓋圻內之邑或別宮在焉應劭曰友封于西鄭其子與平王東遷更稱新鄭水經注竹書紀年晉文侯

二年同王子多父伐郇克之乃居鄭父之邱名之曰鄭服虔云鄭取郇而不居其都杜注郇在滎陽密縣東北新鄭在滎陽宛陵西南由此觀之或者桓先封華州後伐郇而封鄭乎是未可知也要之時代久遠傳聞不一苟不詳爲紀載則後之志古者將何所証據乎然則志之作可畧乎哉邑

志自前明草創山川古蹟職官人物藝文
多脫畧

國朝雖兩踵修而莫能是正余于去冬開
局凡歷代掌故之書下逮稗官小說無不
搜羅金石之文無不抉剔山川之脈絡道
里之綿亘無不綜覽而條析之雖不敢謂
毫髮無遺憾而於前志度幾多所考訂者

矣又周官曰凡此五物者每國辨異之以
周知天下之故戴記曰皆如其國之故一
縣之地不過方數百里而上下數千年其
爲故也繁矣明關中諸志率以簡勝然王
漁洋於朝邑志有毋乃太簡之嘆鄭簡菴
新城舊志自序曰異時重編之應有一百
數十卷之多漁洋亟取其言以爲作志者

法夫志猶史也卽賢如涑水紫陽而通鑑
綱目兩書猶卷帙浩繁若彼然則志之作
可畧乎哉抑余聞之鄭罔有書見左氏傳
鄭司農卽謂之邦國之志而惜乎此書久
軼不得傳述又不禁望古而三嘆也至是
書之成多藉邑紳士襄贊之力余竊奉教
于君子爲命之意云

卷首

序

五

乾隆四十一年歲在丙申十月新鄭縣知
縣嘉興黃本誠序



修新鄭縣志舊序

順治十六年

馮嗣京 邑令

自古王者大一統莫不首徵文獻矣夫文獻視乎紀載之書家有乘國有史而邑有志一圻一同皆然繫鄭獨無鄭始有熊氏而著於春秋卽以春秋之鄭言當時奔走禍至之無日國僑惠養載其情淨民以寧一今按封洹廬井及輕幣諸籍瞭若指掌志之不可已也如是夫然前乎此者有志矣後乎此者有志矣而明季迄我

聖朝又四十餘年奚東里無志乎問邑之戶口圖蹟若何邑之風俗沿革若何邑之選舉賢良若何邑之官署崇典兵防驛傳若何邑之鄉社祠廟封建人物星野災祥若何邑之忠孝隱逸方技

卷首

舊序

仙釋藝文襍識若何流炬之餘灰燼無傳記曰有法無法因時爲業有度無度因物與合司茲土者何以時變是守爲損爲益耶余自丁酉承乏卽志補敝救廢奈學宮伐馨伊始拮据捋荼捐捐二載未艾也兼之駉駉使者絡繹不絕送往迎來靡有寧晷遑語研墨也者前奉開府大人督志之檄適值文廟落成之期舉向之補敝救廢有志未遑者此其研墨時也吾惡乎志諸吾亦集其事而裁其成非我有成其在人乎草創者討論者修飾者潤色者人已殫長以云志也寢卽五明李君恢奇多聞暨二三紳士文行素著余乃萃藝館執手而誠曰疑傳疑不如勿志今日者蓋其慎哉弗敢過也不敢不志焉其庶幾乎亡於志

者之志也閱兩月而事竣抑竊有厚望矣昔春秋之鄭介晉楚
今之鄭接三州我馬騫崩不敵也春秋之鄭辛苦墊隘今之鄭
流氛子遺生聚未復黎民重困不敵也所恃邑乘具列上臺有
憐恤之典以當國僑惠養清淨寧一係此舉也寧止盡飾行遠
也哉夫子鹿鹿歎掌簿書酷有文字之樂羣序士月有試季有
考初以爲娛志入股焉者孰知煌煌史冊李君諸賢士之相與
有成耶假手以報開府之命文獻是徵或可博一領也是爲序
修新鄭縣志舊序 順治十六年

張光祖 邑人

考之周禮司民刑方之掌周知生齒疆索之類天下之大勢握
焉邦國圖籍蓋綦重也部院賈公祖彙修兩河通志檄督州縣

卷首

舊序

二

可謂急先務矣然修舛錯之志易爲功而修己仄之志難爲力
鄭自流土交訁書板俱燼於焉創新謀始自非博物鴻裁惡能
勝其任而愉快乎邑父母馮公大筆如椽兼以署諭李先生文
章宿老互相商確或訪之名儒或詢之故老或叅之斷碣殘碑
往事僅存千百於什一而歲時景物忠孝節義靡不志以著之
簡而核典而則余披其草屢然曰古有才足了十人殆公之謂
耶猶憶往涖恩時聞公下車歲餘諸陋盡草庶美釐舉逡巡以
爲不如復聞迎送僕僕之暇日與李先生建文廟翔奎樓文武
兩社一旦振興且出餘力成茲緇帙何才之裕如也以故農林
於野士忤於庠有昔時太邱之風焉徽猷茂績可述而志使太

史遷復起收入實錄所不誣也余八年偁偁吏治幸擢兵曹懼
乏長子之選爲大司馬辱忽被流風所感桓桓武事頓加飭焉
其造於余實多矣寧直一志彰善聲哉謹抽毫以爲序

續修新鄭縣志舊序

康熙三十三年

朱廷獻

邑令

予於己巳夏之新鄭官明年秋奉闕大中丞檄修邑志辛未書
成以稿本上壬申冬字無損益飭就梓人予以衝驛旁午卒卒
未能將事閱甲戌春顧大中丞來撫豫吏畏民懷百廢具舉復
檄各屬僉謀剗剗梓成例得弁語簡端乃不揣爲之序曰考古
周官以職方掌輿圖而外史小史領邦國四方之志志之由來
尚矣天子統御天下則聚海內山川疆域戶口人物之數著之

卷首

舊序

三

版籍藏之天府所謂一統志也嗣是而省有通志郡有府志邑
有縣志雖其間義例各殊繁簡不一而所以昭一統垂千古定
是非明鑒戒以備史氏之採擇則無弗同典甚鉅也新鄭本豫
之下邑然爲有熊故墟自虞夏以迄元明各賢肇跡代有聞人
炳耀史冊固衣冠文物之區也志何可弗備備何可弗詳乃自
己亥迄今閱三十餘年莫之或講不無抱殘守闕有待於作者
甚亟乃先後兩撫憲雅志振興宏修鉅典嚴檄各郡邑及時修
舉予不敏敢不黽勉從事矧邑志令責也假令宰是邑而問其
戶口若何賦稅若何曰弗知問其山川土俗與夫鄉之賢士大
夫前言往行若何曰弗知以暨沿革損益先後異同若何曰弗

知予實慮焉爰據圖籍載考方聞復集邑之紳士並博學君子
校讐叅訂繁者刪之佚者補之舛誤者引經據典而訂正之稿
凡數易誠慎之也夫士人兀處一室目不覩山川人物之奇胸
未羅邱索墳典之盛幸服一官日惟簿書錢穀縈擾志慮而欲
採風問俗攷古証今取邑之山川疆域戶口人物燦然胸臆勤
爲成書難矣况予備位衝驛日執手板謀送迎備供億凜凜畏
咎苦不暇給敢搯不律自附于作者之林何可得耶是役也仰
見

聖天子百度咸飭文教聿興海隅日出罔不漸被先後兩中丞復矢

志振興宏修鉅典故不辭固陋纂輯成書以告後之君子若曰

卷首

舊序

四

是足以佐石渠纂修之業則予豈敢

新鄭縣志重修姓氏

鑒定

兵部侍郎都察院右副都御史巡撫河南兼管河道 徐 績

河南按察使司按察使署理布政使司布政使事 榮 柱

河南開歸陳許兵備道署理按察使司按察使事 周於智

河南開歸等處督理通省驛鹽水利糧務道 赫爾敏阿

署理河南分巡開歸陳許兼管水利兵備道開封府知府 王啟緒

纂修

新 鄭 縣 知 縣 黃本誠

較訂

卷首

姓氏

前 任 新 鄭 縣 教 諭 謝王選

新 鄭 縣 教 諭 張相武

新 鄭 縣 訓 導 趙榮清

經理

新 鄭 縣 典 史 俞鵬程

分修

舉 人 高晏乾

生 員 蘇如濤

總理

戊科進士原任山東陽穀縣知 縣 劉化民

增 廣

生 張更潔

貢 生 劉如鈿

監 生 候 選 吏 目 劉如鑾

監 生 劉君珠

監 生 秦鳳兆

貢 生 高耀彬

增 廣 生 劉如鎔

生 員 馮兆麟

候 選 訓 導 現 長 淮 寧 縣 訓 導 高特用

監 生 馮寅生

卷首 姓氏

候 選 教 諭 高特拔

探訪

舉 人 馮大興

歲 貢 生 劉國琦

布 衣 馮永祚

生 員 趙國寧

廩 生 高岱

生 員 黃思睿

歲 貢 生 夏新浩

貢 生 劉齊法

生

員 蒲振邦

廩

生 張紹芳

廩

生 王琳

廩

生 蔡相

監

生 馮嵩生

校閱

生

員 吳鴻儒

生

員 王鳳池

生

生 胡孝先

生

生 高超

卷首

姓氏

生

員 高崢嶸

新鄭縣志凡例

一卷首恭編

聖製者遵

王章也我

朝

聖聖相承咸有一德訃謨訓語備於寰宇新鄭雖小邑得被

聖化漸摩久矣敬錄

御製諸文冠弁全集不特增輝節冊度幾是訓是行仰瞻

天子之光於萬一云爾其敘述文字有嘗諱者俱遵照

頒行經史缺其點畫不復改避

卷首

凡例

一邑舊志創自前明萬曆戊午邑令陳公大忠闕四十六年

國朝順治己亥邑令馮公嗣京修之闕三十五年康熙甲戌邑令朱

公廷獻續修之陳志值甲子之變久已散佚馮志僅有殘帙惟

朱志現存皆因陋就簡多有訛漏迄今八十二年無有起而是

正之者予蒞任後急思修輯而匆匆未果去秋始與諸紳士相

商爲之遂欣然共事然幾費經營矣

一志須識詳略蓋志乘之作自下而上縣志先志其詳無論無漏

由是而郡志而省志舉義開書釐訂而會萃之庶成善本此縣

志之所由昉也今與諸紳士廣搜博採益以見聞訂成一書務

溯流窮源不至遺珠之嘆凡閱過典籍二千有餘採入者幾得

其半視前志已五倍之要期傳信後世非敢誇多圖糜較勝前人也

一志須有條理舊志列卷分門不分綱目未免混淆是書作考者
二曰沿革曰星野作表者二曰職官曰選舉作傳者一曰循吏
作志者十有二曰疆域曰風土曰山川曰建置曰賦役曰學校
曰祠祀曰人物曰藝文曰金石曰經籍曰雜志悉倣諸史及三
通爲之增實定名惟求確當其餘封建祥異形勝物產古蹟橋
梁兵制郵政書院陵墓之屬有當載入者則各以類附焉

一志須有定式舊志紛然不一每卷篇名或虛或實參錯並書不
相聯屬又懼其易混乃至以一二頁爲一卷益非式矣今分門
一十又七分卷三十又二各爲標識自開卷迄終篇較若畫一
爲綱爲目一覽了然

卷首

九例

二

一志旣編卷帙須分先後庶次第位置不致凌亂是志首沿革沿
草明而疆域定矣星野由疆域而見也然仰觀俯察自當先之
以星野故疆域次之風土亦疆域之類山川則附乎疆域者也
故又次之相其陰陽迺興版築則建置次之都邑旣立非官師
不足以表率一方也故次職官有職官則有循吏故循吏次之
于焉定取民之制求齊民之術籌奠民之方而賦役學校祠祀
興矣故次賦役次學校次祠祀由是而有選舉有選舉而人物
生人物生而藝文藝文金石經籍者藝文之餘而雜志則補諸

志所未及也故次第列之由一類而論則自爲脈絡由全書而論則首尾相貫矣

一古人讀書必左圖右史則圖固不可缺也茲志仍列數圖曰星野曰疆域曰山川曰城池曰學宮曰衙署而諸圖中尤詳于山川者重地理也一展卷而道路形勝瞭若指掌矣然諸志多列之首簡徒取觀美而於本事若不相涉茲志悉以類見非敢好異亦做古人讀書之意也

一各表或做史記或做漢書或做唐書式有不同而職官選舉表下必先著明某人其有傳無傳以便檢閱

一志貴補闕如舊志沿革則闕分屬星野則闕叅攷山川則闕原委祀典則闕其儀鄉閭則闕其數職官也而人闕選舉也而科闕名宦鄉賢也而事闕此而尚闕則無之非闕矣何以示典則備考鏡乎茲志悉採諸書以補之

一志貴訂譌夫志以傳信也非可信而傳會之不失之誣卽失之鑿矣舊志雖簡而譌者實多今皆一一釐正覽者以舊志覆核則知單詞隻字俱非妄改云

一志貴闡幽凡事與人之在耳目間者尚可摹繪得之或懷貞抱獨湮沒已久而僅于他書略見一二則記載類多不及是志與邑諸君子搜輯舊聞幾費心力雖細必錄雖微必章採千秋之軼事發潛德之幽光于此尤用意甚

一志貴證據昔衛正叔作禮記集說曰他人著書惟恐不出于己予此編惟恐不出于人吾鄉朱竹垞輯日下舊聞所鈔羣書皆分註于下余亦竊倣此義或加刪削則曰節或加隱括則曰見至後來人物無書可據者則書採訪諸君之名不特見言之有本且以明取舍之成出公論也

一引書之例第一條註某書連引二三條則曰同上多至四五條則曰以上俱見某書

一志忌重複但事有關涉數處者則彼此俱見互相勾貫而詳略不同此古人互文例也然必註明詳某處云云以便徵考

一沿革歷年已久錯綜交互紊若棼絲舊志過于簡略誠非所宜

卷首

凡例

四

卽通志及府志亦間有異同今悉心究索一準諸史地理郡國諸志參互攷訂不敢一字牽附其間大者則辨明之小者則隨事改正之凡經前人辨析明當者俱爲纂入間有鄙見則以按字別之餘皆倣此

一新鄭自武公遷居後始有是名作志者似當以武公時爲始而是書沿革則肇自有熊氏以及陸終氏爲都爲國悉詳考而彙書之亦祭川先河之義云

一所志山川皆于水經郡志諸書詳爲徵引復加履勘得曲折然後登錄不特視舊較詳亦欲使後之君子有所考據焉

一舊志職官僅列宋元以下數人而于漢魏晉唐概不登錄實爲